



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ- 3/27

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 24 » 01 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Ն. Պողոսյանի կողմից 29.11.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 162-րդ հոդվածի 1-ին մասով նախատեսված վարչական իրավախախտում, մասնավորապես՝ անհատ ձեռնարկատեր Հասմիկ Արամայիսի Համբարձումյանի կողմից Երևան քաղաքի Ջ. Անդրանիկի փողոցի հ. 5 հասցեի դիմաց՝ ոչ սահմանված տեղում իրականացվել է ծաղկի առևտուր, որի վերաբերյալ 23.12.2022 թվականին կազմվել է թիվ Ա-001452 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 24.01.2023 թվականին գործի քննությանը ներկայացավ անհատ ձեռնարկատեր Հասմիկ Արամայիսի Համբարձումյանը: Վերջինս վարչական մարմնին բացատրություն տվեց այն մասին, որ չի ընդունում իրավախախտումը: Օբյեկտի ներսում իրականացվել են ներքին հարդարման աշխատանքներ, ինչի պատճառով է ապրանքը դրսում եղել:

Անհատ ձեռնարկատեր Հասմիկ Արամայիսի Համբարձումյանի կողմից գործի քննությունի՝ իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, անհատ ձեռնարկատիրոջ պետական գրանցման վերաբերյալ տեղեկատվությունը, Երևանի քաղաքապետարանի աշխատակազմի առևտրի և ծառայությունների վարչության աշխատակցի 23.12.2022 թվականի «Արձանագրություն» վերտառությամբ գրությունը, ինչպես նաև անհատ ձեռնարկատեր Էմմա Մկրտչի Բերբերյանի կողմից տրված բացատրությունը և իրավախախտման հայտնաբերման պահին կատարված լուսանկարները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 29.11.2022 թվականին

անհատ ձեռնարկատեր Հասմիկ Արամայիսի Համբարձումյանի կողմից Երևան քաղաքի Զ. Անդրանիկի փողոցի հ. 5 հասցեի դիմաց ոչ սահմանված տեղում, իրականացվել է ծաղիկների առևտուր:

Անդրադառնալով անհատ ձեռնարկատեր Հասմիկ Արամայիսի Համբարձումյանի կողմից ներկայացված օբյեկտում իրականացվող ներքին հարդարման աշխատանքների պատճառով ապրանքների դրսում տեղադրված լինելու վերաբերյալ դիրքորոշմանը, վարչական մարմինն արձանագրում է, որ քննարկվող դեպքում առկա է ապրանքների դրսում ոչ սահմանված վալյում, տեղադրված լինելու փաստական հանգամանքը, որը ապացուցվում է արձանագրությանը կից ներկայացված լուսանկարներով, բացի այդ նշված հանգամանքը հարուցված վարչական վարույթի շրջանակներում իրականացվող լսումների ընթացքում ընդունվեց նաև անհատ ձեռնարկատեր Հասմիկ Արամայիսի Համբարձումյանի կողմից:

Հարկ է նշել, որ անհատ ձեռնարկատեր Հասմիկ Արամայիսի Համբարձումյանի կողմից ապրանքները ոչ սահմանված վալյում տեղադրված լինելով արդեն իսկ ձևավորում են հրապարակային օֆերտա, ինչպես նաև հետաքրքրություն իր կողմից իրականացվող գործունեության նկատմամբ, միաժամանակ տեսանելի և հասանելի են գնորդի համար, որպիսի փաստական հանգամանքները վկայում են այն մասին, որ անհատ ձեռնարկատեր Հասմիկ Արամայիսի Համբարձումյանի կողմից Երևան քաղաքի Զ. Անդրանիկի փողոցի հ. 5 հասցեի դիմաց ոչ սահմանված տեղում առևտրի իրականացումը, հետևապես վերջինիս կողմից ներկայացված դիրքորոշումն ակնհայտ անհիմն է և չի կարող հիմք հանդիսանալ վարչական վարույթը կարճելու համար:

Անհատ ձեռնարկատեր Հասմիկ Արամայիսի Համբարձումյանի կողմից թույլ է տրվել Օրենսգրքի 162-րդ հոդվածի 1-ին մասով նախատեսված վարչական իրավախախտում:

Հաշվի առնելով անհատ ձեռնարկատեր Էմմա Մկրտչի Բերբերյանի կողմից տրված բացատրությունները, և այն, որ անհատ ձեռնարկատեր Էմմա Մկրտչի Բերբերյանի կողմից առաջին անգամ է թույլ տրվել Օրենսգրքի 162-րդ հոդվածի 1-ին մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

«Առևտրի և ծառայությունների մասին» օրենքի (հետայսու Օրենք) 2-րդ հոդվածի համաձայն՝ առևտրի իրականացման վայր՝ առևտրի իրականացման վայրի կազմակերպչի կողմից որպես մեկ ամբողջություն տիրապետվող և կառավարվող՝ առանձնացված, կառուցապատված և կահավորված, երկու և ավելի վաճառատեղ ունեցող տարածք, որտեղ կարող են նախատեսվել նաև հանրային սննդի և այլ ծառայությունների համար տարածքներ:

Օրենքի 3-րդ հոդվածի 2-րդ մասի համաձայն՝ առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Օրենսգրքի 162-րդ հոդվածի 1-ին մասի համաձայն՝ ոչ սահմանված տեղերում առնտուր իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Սույն հոդվածով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 162-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ս, 25.07.2022 թվականի հ. 2703-Ս որոշումներով՝

ՈՐՈՇԵՑԻ

1. Հասմիկ Արամայիսի Համբարձումյանին Օրենսգրքի 162-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 70.000 ՀՀ դրամ գումարի չափով:
2. Նախագգուշացնել Հասմիկ Արամայիսի Համբարձումյանին, որ վարչական տույժ նշանակելու օրվանից հետո սույն արարքը կրկին կատարելու դեպքում այն կառաջացնի վարչական տուգանք՝ 200.000 ՀՀ դրամ գումարի չափով:
3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:
4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ
ՎԵՐԱԲԵՐՅԱԼ ԳՈՐԾԵՐԻ ՔՆՆՈՒԹՅԱՆ
ԲԱԺՆԻ ՊԵՏ՝



ԶԱՎԵՆ ՍՄԲԱՏՅԱՆ